

瑞金縣志卷之四

人物類

天生賢士所以為國也我

朝設科取士始則舉孝廉賢良方正經明行修
及後專用藝試乃命董學之臣崇正學崇正
道其意猶古也科之制有曰進士鄉舉歲貢
薦辟其間有忠義孝行貞節宦業恩例者焉
附以年勞考而書之為人物類第四

進士

大樂正論進士之秀者以告于王而升
之大司馬曰進士復論其材之高下而
後官之祿之後世以進士名其原蓋出
于此歷代重之志進士

宋

劉鵬

見宦業志

王剛

字立本淳熙甲辰衛經榜

賴夢雷

字禧之嘉定辛未趙建大榜

國朝

謝富陽

字安儉成化丁未謝遷榜福建清流知縣

鄉舉

歷代科目其制不一宋發解于州元鄉
試于行省
國朝因之尤慎重焉蓋亦古鄉舉里選之
遺制也志鄉舉

國朝

謝富陽見進士

劉葵字斯忠弘治甲子科授湖廣荊門州學正

王雍字仁熙正德丁卯科授福建寧化縣教諭

歲貢

國朝之制士皆養於學校其學行之優者

瑞金縣志人物類卷四

廩於官又計其廩食之深者貢之禮部

試之

內廷中選者養之大學願授教職者聽亦
古諸侯歲貢士於天子之道意也特書
之以例貢附焉志歲貢

國朝

楊選浮鄉一里人任浙江嵒縣知縣

湯衡浮鄉一里人任直隸休寧知縣陞中軍都督府經歷

劉振浙江遂昌縣丞

許泰招召鄉一里人任雲南曲靖軍民府推官

劉衡

承鄉三里人任工部主事

湯銘

浮鄉一里人任廣東曲江主簿

劉通

常鄉一里人任四川峨眉訓導

劉瑀

常鄉一里人任湖廣枝江知縣

劉銓

浮鄉一里人任湖廣道州判官

宋倫

承鄉三里人任廣東海陽知縣

袁端

承鄉三里人任直隸監城縣丞

朱璣

常鄉一里人任湖廣武昌推官

鍾鏗

常鄉一里人任直隸鳳陽衛經歷

文英

浮鄉一里人任廣西桂林府知事

楊時勉

浮鄉一里人任

謝鐸

常鄉一里人任浙江雲和縣丞

田澗

招召鄉一里人任山東文登縣丞

楊裴

浮鄉一里人任福建延平府檢校

鍾鼎

承鄉三里人任河南陳留縣丞

郭儀

浮鄉三里人任福建將樂縣丞

胡滿

浮鄉一里人任湖廣德安千戶所吏目

張顯

招召鄉一里人任福建邵武知事

劉輔

鍾弘

承鄉三里人任貴州底寨長官司吏目

劉泓 招召鄉一里人任
廣東瓊州府照磨

李轟 浮鄉一里人任
大寧衛經歷

賴節 浮鄉一里人任
廣西都司斷事

劉熙 招召鄉一里人任
廣東瓊州府知事

湯雷 浮鄉一里人任
浙江嘉興縣丞

袁安 承鄉三里人任
福建福清主簿

陳孜 浮鄉三里人任
隸松江府檢校

李鑑 招召鄉一里人

許文

曾麟

瑞縣志人物類卷四

四

黎煒 任廣東陽山訓導

廖敏 浮鄉一里人

鍾寶 浮鄉一里人任
福建寧德主簿

陳瑄 浮鄉一里人任
廣東海康主簿

劉孜 浮鄉四里人

方冕 浮鄉一里人任
廣宋州府照磨

歐陽規 浮鄉一里人任
四川墊江知縣

劉善 浮鄉一里人任
廣武岡州判官

許新 招召鄉一里人任
廣東陽春訓導

湯奎 浮鄉一里人

鍾文 常鄉一里人任福建南

胡諒 浮鄉一里人任陸安慶府教授

尹昌 浮鄉一里人任高縣訓導

尹潮 昌之弟任直隸虹縣訓導

劉超 承鄉三里人任四川東鄉教諭

劉梅 承鄉三里人任浙江青田訓導

彭松 承鄉三里人任湖廣竹溪教諭

李中 浮鄉四里人

李和 中之弟任雲南呈貢知縣剛直著聲

朱世用 浮鄉四里人任廣東興寧主簿

郭鼎 浮鄉三里人任廣西全州吏目

許喬 招召鄉一里人任福建武平知縣

尹吉 浮鄉四里人任貴州蜀山州吏目

楊球 浮鄉一里人任旌德縣主簿

梁棟 承鄉三里人任四會縣知縣

彭英 承鄉三里人任浙江上虞訓導

鍾文山 浮鄉四里人任學行頗優

許表 招召鄉一里人任建陽縣丞

湯拱 浮鄉一里人任太倉州同知

郭懷珍 承鄉三里人

孫一熙浮鄉三

劉乾承鄉三里人任

彭其淳承鄉三里人

羅必達浮鄉四

郭惠浮鄉四

楊綱浮鄉一

丁乾浮鄉三

劉天孚承鄉三

龔元浮鄉三

接例

瑞縣志金類卷四

六

李績招召鄉一里人任

楊炳浮鄉一里人任

楊叔武浮鄉一里人任

劉冕浮鄉四

鍾文泰浮鄉四

鄧榮玉浮鄉三

胡仕弼浮鄉一

雷喬承鄉三

危秩浮鄉三

薦倂

薦辟晉漢之舊鄉舉里選之餘也自科
舉之法行人材皆由科目出於薦辟者
僅百之一二耳書之以存三代之餼羊
志薦辟

唐
考無

宋
考無

元

楊順欽

明卿以人才薦任會昌
州同知事蹟見會昌志

國朝

楊學文

以聰明正直薦任
山東恩縣知縣

瑞金縣志人物類卷四

七

忠義

忠義大開也孔父春秋重之此歐陽五
史之傳所由以作也瑞金忠義凡三人
孤芳遠韻留之竹帛與天壤並志忠義

唐

馮祥興

始為雩都人後割地置縣遂隸瑞
金兄弟三人皆英武唐廣明中黃
巢陷長安嘗募士勤王累功為將
軍二弟沒於陣奉旨歸圖盧光稠

被黎破家陰刺之投屍羅溪數月
不化鄉人以為神遂壅溪南立祠
祀之

宋

劉舉夔

鵬之子以父恩補北靖州知州靖
康中州陷於虜舉夔不屈被執後
以蠟書歸報朝廷備洩虜情會秦
檜主和議反以書遺金人遂遇害

劉十六郎

鯁直勇敢建炎中金虜侵中原鄰
境狗脚洞賊首李鐵面虜劉十餘
年上遣岳飛提兵討之十六郎兄
第三人集義勇累立戰功鎗至額
不顧俱沒於陣飛悼之聞于上詔
立祠祀焉

貞節

女德坤也其教陰也惟坤故貞惟陰
故靜靜而動焉而發斯烈周衰化頹
故夫子刪詩於邶風首列莊姜綠衣

於鄜風首列共姜栢舟嘉其賢著其節也噫人臣食君之祿尚有忘君失節者顧女流未學崇尚節義不其難乎特書之以勵風化志貞節

賴氏

名四姑年十八適鍾宗禮二月而宗禮從戍亡四姑哭之慟曰吾寧死尋自縊家人覺而救之自是矢不二天養其夫姊之子為後亦早世卒年七十五

楊氏

名作娘年十五歸浮鄉三里人郭元欽二年元欽卒年十七哀痛幾絕生遺腹子郭璋誓不再譙撫教成立孀居五十餘年正德中申報當道 奏聞

命下而氏卒時年七十三表其門曰

貞節

張氏 鍾氏

年十八歸浮鄉一里湯德淵生子

汝文三歲而德淵卒氏年二十四
撫養汝文娶婦鍾氏生子克勤幾
一歲而汝文亦卒時鍾年二十一
也鍾上事孀姑下撫幼子而湯氏
之宗賴以不墜邑人稱為雙節

謝氏

名寫姑謝學素女幼許嫁吏目鍾
弘子斌斌侍父遊宦亡女誓不再
許嫁獨居四十餘年令終人謂之
貞女

胡氏

名貴娘浮鄉一里民胡伯謙女年
十八歸同里民李聰四載而聰卒
遺腹五月生子振祥時氏年二十
二撫孤治生不遺餘力壽九十而
終人皆稱曰壽節婦

楊氏

名敦姑浮鄉四里監生劉冕妻冕
以援例入監回至中途卒氏年二
十五歲遺幼男民道二歲途次日

久行資已罄氏典衣買棺回葬以
後家道日索氏誓志安貧守節撫
育幼男年七十二而卒

朱氏

名靜貞常鄉一里人年十八適同
里民危萬齋生男騰昱方五月而
齋亡時氏年二十四誓不改嫁撫
養孤兒不幸行三十而卒復撫養
幼孫鐵生九歲又卒氏貧無所依
後無所托終不改節年七十餘終

瑞金縣志人物類卷四

十一

孝友

先王三行六行之教必孝友焉先族師
屬民讀法於孝弟焉書之此史家孝義
之傳所由以作也瑞金宋一人

國朝僅三人錄之為世勸志孝友

宋

龔彭壽

字彥宏杜門隱居深于易學紹興
中劇賊犯境彭壽以母老且病義
不可避獨留侍賊憫之竟不加害

國朝

朱鑑

字廷佐推官璣之子孝出天性母郭邁疾鑑刲股置藥餅疾愈父母俱壽終鑑廬墓三年鄉人敬之

鍾鳳

字儀霄浮鄉四里人天性孝友痛親早逝每忌日必齋戒祭奠涕泣不食兄弟析居多推讓其後二兄所居燬于火鳳居獨存人以為孝

瑞金縣志人物類卷四

十一

友之報

劉贊岳

浮鄉四里人弘治乙丑流賊破城隨父匡煥逃難賊執其父欲殺之岳時年十一以身蔽父哭曰寧殺我毋殺我父賊不許索以財岳奔家岳為贖計至則掠盡不知母所逃之地復號奔往救其父中途偶拾一金簪以餽賊賊少之岳哀告賊憐其幼而釋之嘉靖八年知縣

林椿申詳
巡按衙門書扁表之

宦業

君子之仕也行其志也志行則業隨以廣而仕之道盡時或弗遇則守正自持志不少變名節保全遺芳百世其勲業可想見矣志宦業

宋

劉鵬

字時舉安貧苦學登元豐二年進士

興瑞縣志人物類卷四

十三

知直隸華亭擢監察御史朝廷欲相蔡京連章諍之不報京既入相首議復王氏之學籍元祐黨人鵬諍之益力遂出知直隸廣德軍秩滿召拜諫議大夫鵬辭以言既不用不宜居言職遂出知壽春

恩例

聖朝䟽爵惟賢又推恩錫爵親與子同生則封死則贈

君之優寵臣下不謂隆矣志恩例

國朝

李秉信

以子真贈大寧前衛經歷

年勞

國朝登名仕版者率以科目六曹刀筆雖非正途然庸力須濟勞勩居多亦

國家臣子也故並書之志年勞

丁珪 浮鄉三里人任廣西布政司庫官

鄭發 浮鄉四里人任揭陽縣典史

李篋 浮鄉一人

瑞金縣志分類卷四

十四

賴立 浮鄉三里人任廣州後衛知事

危馴 浮鄉三人

朱黼 招召鄉一人

危稷 浮鄉三人